

Sunndoch

Om Sunndoch  
Nehm ich mei Audo  
Setz meina Kinner nei  
Und fohr nein Wold

Do ~~sd~~ schdeich ich aus  
Leech mich nein Gros  
Schdell mein Kofferradio deneber  
Und zünd a Zigareddn o

Die Kinner könnn derweil  
A weng rümrenn  
Demid die Fraa  
Deham in Ruh bügl ko

Ich moch mei Bier auf  
Blinzl nei die Sunna  
Bedrocht die Schmedderling  
Und die Gradzer om Audo

Wenn mei Floschn leer is  
Bogg ich mei Zeuch zam  
Die Kinner müssn widder eischdeich  
Ich sedz mich a nein Audo  
Und dann fohr mer widder ham

~~XXXXXXXXXXXX~~

Is scho schö, su a Sunndochsausfluch

Helmut G. Schmitt